

03.03.2013 Wólby wjesnjanosty - Bürgermeisterwahlen

Herr Vinzenz Baberschke wird im März 2013 als Bürgermeister wieder gewählt. 78,3% der Wähler geben ihm ihre Stimme. Ein Gegenkandidaten bekommt beachtliche 19,2%. Die Wahlbeteiligung lag bei ca. 60%. Als erste gratulierte Barbara Hantschick im Namen der CDU-Ortsgruppe dem wieder gewählten Bürgermeister. Auch Landrat Michael Harig ließ es sich nicht nehmen, unter den ersten Gratulanten zu sein.

Serbske Nowiny 04.03.2013:

Wólby wjesnjanosty w Radworju

Wincenc Baberška wobkrućeny

Radwor (SN/MkWj). Z dosć jasnym wotumom su so wobydlerjo Radworskeje gmejny wčera za swojeho dotalneho wjesnjanostu Wincenca Baberšku (CDU) wuprajili a jeho na dalšu dobu w zastojnstwje wobkrućili. Při wólbach, kotrež běchu po sydom lětach prawidłownje na rjedže, wuprajichu so 78,3 procenty wolerjow za swojeho wjesnjanostu. Napřečiwny kandidat Měrcin Winar z Radworja dósta 19,2 procentaj hłosow. Wólbne wobdźelenje bě z nimale 60 procentami lépsje hač minjene lěta.

Wólby wjesnjanosty běchu létsa swojorazne. Hakle tydženja bě so serbski gmejnski radźićel Měrcin Winar nje-wočakowano jako kandidat k wólbam přizjewił, byrnjež termin přizjewjenja po wólbnym zakonju wotběžany był.

Po rozmołwach z wjesnjanami a swójbnyimi bě so wón za to rozsudził, kaž rjekny. Hłownje chcyše lépsu transparenccu přesadzić, bliskosć k wobydlerjam pěstować a mjenje wsy bóle spěchować.

Dokelž bě termin přizjewjenja wotběžal, dyrbychu wolerjo mjeno noweho kandidata na wólbny lisciku rukopisnje připsać. Při tym pak so tež cyły rjad druhich mjenow wukopa, kotrež běchu wobydlerjo připsali.

Wjesnjanosta Wincenc Baberška wi-dzomnje wolóženy w gmejnskim zarjědźe wuslědk wothłosowanja přijimaše, dźakujo so sobuwojowarjam za pomoc we wólbny boj. Wón přilubi, zo chcył dale na dobro gmejny dźělać. Mjez přenimi gratulantami bě tež Budyski krajny rada Michael Harig (CDU).



Last update:

2021/05/14 09:53 03.03.2013_buergermeisterwahlen http://82.165.187.122/doku.php?id=03.03.2013_buergermeisterwahlen&rev=1620986006

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=03.03.2013_buergermeisterwahlen&rev=1620986006

Last update: **2021/05/14 09:53**

